

## **Communicaziun da medias digl cumegn da Surses (nr. 11-2020)**

### **Surses: approvaziun digl preventiv 2021 e divers credits**

**La radunanza communal è approvo sainza cuntervusch igl preventiv 2021. Igl chint economic prevei en pitschen surple d'antradas. Las investiziuns bruttas montan a 10.9 milliuns francs. Ultra da chegl è igl suveran er concedia credits per divers projects d'investiziun. Igl pe da taglia stat sen 100% dalla taglia simpla digl cantun Grischun.**

Tar antradas da 32'523'250 francs ed expensas da 32'489'250 francs prevei igl preventiv en pitschen surple d'antradas da 34'000 francs. Las investiziuns bruttas montan a 10'939'000 francs (investiziuns nettas 8'777'150) e pertotgan cunzont l'infrastructura communal, vot deir la sanaziun digl provedimaint d'ava e dalla dismessa dall'ava persa, ma er la sanaziun da veias communalas. Er ainten l'infrastructura turistica duess neir investo. Uscheia cuntigna igl preventiv tranter oter l'investiziun per realisar a Savognin en pumptrack fix. A La Nars, Savognin, duess neir realiso ena nova piazza da sport cumbinada (stad: tennis; anvien: glatsch artificial/plazza da curling) incl. en bietg da menaschi per ena somma da radond 3.5 miu. francs. Previa ègl da realisar chel project an dus etappas.

### **Nigna midada tar igl pe da taglia communal**

An vista allas investiziuns considerablas tgi spetgan igls proxims onns sen igl cumegn è la suprastanza proponia da mantigneir igl pe da taglia communal per la taglia d'antrada e per la taglia da facultad sen 100% dalla taglia cantunala simpla. Chella proposta è igl suveran approvo cun gronda maioritad, schibagn tgi gl'è nia fatg d'ena votanta la proposta da sbassar igl pe da taglia communal sen 90% dalla taglia cantunala simpla. Chella proposta è pero neida negada.

### **Concessiun da divers credits per projects d'investiziun**

Alla basa digl preventiv 2021 è la suprastanza er dumando da conceder igls credits per divers projects d'investiziun. Uscheia è la radunanza communal concedia mintgamai sainza cuntervusch divers credits da total 3.88 milliuns francs per igls suandonts projects: sanaziun digl reservuar a Sur; biagier en passape e sanaziun dallas lengias dallas ovras communalas an connex cun la sanaziun dalla veia nazionala a Rona (etappa Mulegn); sanaziun dalla Veia Dual a Riom (1. etappa); sanaziun dalla Veia Segantini a Savognin; sanaziun digl bietg polivalent Grava a Savognin; e la renovaziun dallas cumbinaziuns d'apparats da colliamaint da tensiun bassa e digl sistem da direcziun digls process dalla serenera Sotgôt a Cunter.

### **Ulterioura decisiun**

Sainza discussiun è la radunanza communal decidia da fixar nignas restricziuns pertutgont las quotas per la vendita d'immobiglias ad esters pigl 2021, conform alla practica actuala.

Ulteriouras infurmaziuns dat igl mastral Leo Thomann (telefonign 079 405 96 73)

Tinizong, igls 15 da december 2020